

"মিষ্টি বাচ্চারা - নাম - রূপের উর্ধ্বে কোনো কিছুই হয় না, আত্মা বা পরমাত্মাকেও নাম - রূপের উর্ধ্বে বলা যাবে না, তাদের মধ্যেও অবিনাশী পার্ট নিহিত আছে"

*প্রশ্নঃ - শিব বাবাকে ভোলানাথ বলে স্মরণ করে, তাঁকে ভোলা কেন বলা হয়?

*উত্তরঃ - কেননা বাবাই অহল্যা, গণিকা, কুঙ্কাদের উদ্ধার করেন। তাদের বিশ্বের রাজত্বের উত্তরাধিকার দিয়ে দেন। মানুষ তো বাবার উদ্দেশ্যে বলে দেয় - দুঃখও তিনি দেন, সুখও তিনি দেন, কিন্তু বাবা বলেন - আমি তো বাচ্চারা তোমাদের জন্য সুখের রাজ্য স্থাপনা করি। আমাকে দুঃখ হর্তা, সুখ কর্তা বলা হয়েছে। তোমরা বিচার করে দেখো যে, আমি বাবা, নিজের বাচ্চাদের কিভাবে দুঃখ দিতে পারি।

*গীতঃ- দূর দেশের অধিবাসী....

ওম্ শান্তি। আত্মারূপী বাচ্চারা গীত শুনেছে, অর্থাৎ আত্মারা এই শরীরের কান রূপী কর্মেন্দ্রিয়ের দ্বারা গীত শুনেছে - দূরদেশ থেকে মুশাফির এসেছে। তোমরা তো সবাই মুশাফির, তাই না। যে সকল মনুষ্য আত্মারা রয়েছে, তারা সকলেই মুশাফির। আত্মাদের কোনো ঘর নেই। আত্মা হলো নিরাকার। নিরাকারী দুনিয়াতে থাকা আত্মারা হলো নিরাকার। তাকে বলা হয় নিরাকারী আত্মাদের ঘর, দেশ বা লোক। একে জীবাত্মাদের দেশ বলা হয়। সে হলো আত্মাদের দেশ, তারপর যখন আত্মারা এখানে এসে শরীরে প্রবেশ করে, তখন নিরাকার থেকে সাকার হয়ে যায়। এমন নয় যে, আত্মার কোনো রূপ নেই। রূপও অবশ্যই আছে, আর নামও। এতো ছোটো আত্মা এই শরীরের দ্বারা কতো অভিনয় করে। প্রত্যেক আত্মার মধ্যে অভিনয় করার কতো রেকর্ড ভরা আছে। রেকর্ড যদি একবার ভরে যায়, যতই রিপিট করো, ওই চলতে থাকবে। এমনিতে আত্মা এই শরীরের ভিতর এক রেকর্ড, তাতে ৮৪ জন্মের সমস্ত পার্ট ভরা আছে। আত্মা যেমন নিরাকার, বাবাও তেমনি নিরাকার। শাস্ত্রে কোথায় কোথায় লিখে দিয়েছে যে, ও নাম - রূপ থেকে পৃথক, কিন্তু নাম - রূপের উর্ধ্বে কোনো কিছুই হয় না। আকাশও স্পেস, কিন্তু তারও নাম - রূপ আছে। নাম ছাড়া কোনো জিনিসই হয় না। মনুষ্য মনে করে পরমপিতা নাম - রূপের উর্ধ্বে। নাম যদি না থাকে, তাহলে রূপও নেই আর দেশও নেই। তাহলে তো কিছুই হতে পারে না। মানুষ ডাকতেও থাকে - দূরদেশের অধিবাসী পরমপিতা পরমাত্মা। এখন দূরদেশে আত্মারা থাকে, এ হলো সাকার দেশ, এখানে দুইয়ের রাজ্য চলে - রামরাজ্য আর রাবণরাজ্য। অর্ধেক কল্প হলো রামরাজ্য আর অর্ধেক কল্প হলো রাবণরাজ্য। বাচ্চাদের একথা বোঝানো হয়েছে যে, সত্যযুগ থেকে ঈশ্বরীয় রাজ্য শুরু হয়, রামরাজ্য স্থাপন করেন পরমপিতা পরমাত্মা। তিনি কখনো রাবণ রাজ্য স্থাপন করেন না। বাবা বাচ্চাদের জন্য কখনোই দুঃখের রাজ্য তৈরী করবেন না। মানুষ বলে থাকে - ঈশ্বরই দুঃখ - সুখ দেন। বাবা বলেন, আমি বাচ্চাদের কিভাবে দুঃখ দিতে পারি? আমার তো নামই হলো দুঃখহর্তা, সুখকর্তা। এ তো মানুষের ভুল। ঈশ্বর কখনোই দুঃখ দেবেন না। এই সময় হলো দুঃখধাম। অর্ধেক কল্প রাবণ রাজ্যে দুঃখই প্রাপ্ত হয়। সুখের সুতোমাত্র থাকে না। আবার সুখধামে কখনো দুঃখ থাকে না। বাবা হলেন স্বর্গের রচয়িতা। এখন তোমরা হলে সঙ্গম যুগে। একে তো কেউই নতুন দুনিয়া বলবে না। নতুন দুনিয়ার নামই হলো স্বর্গ। সেই স্বর্গই আবার পুরানো দুনিয়া হয়। নতুন জিনিস যখন পুরানো, খারাপ দেখতে লাগে, তখন সেই পুরানো জিনিসকে দূর করা হয়। মানুষ তো বিকারকেই (বিশ) সুখ মনে করে। এমন গায়নও আছে যে, অমৃত ছেড়ে বিষ কেন পান করবো। গ্রন্থ সাহেবে গুরু নানক বলেছেন - অসংখ্য চোর....। মানুষ বাবার মহিমা গায়, তুমি এসে যা কিছুই করবে, তাতে তোমাদের ভালোই হবে। না হলে রাবণ রাজ্যে মানুষ মন্দ কাজই করবে। বাবা এসেই দুর্গন্ধযুক্ত কাপড় ধুয়ে

পরিস্কার করেন। গ্রন্থ সাহেবে অনেককিছু লেখা আছে। সিঙ্ক্রিরাও গ্রন্থ সাহেব কাছে রাখে, কিন্তু তারা তো শিখ ধর্মের নয়। তারা তো হলো আদি সনাতন দেবী দেবতা ধর্মের। শিখদের গুরু হলো গুরু নানক, তাঁর দাড়ি ছিলো। তাই সব শিখদেরও দাড়ি থাকা উচিত। আজকাল তো দাড়ি রাখে না। তারা অনেক আধুনিক হয়ে গেছে। না হলে তো অনুসরণ করা উচিত, তাই না। আমরা যদি গুরু নানকের অনুসরণকারী হই, তাহলে তো গুরু নানককে অনুসরণ করা উচিত, তাই না। এ তো বাচ্চারা এখন জেনেছে যে, গুরু নানকের ৫০০ বছর হয়েছে, আবার কবে আসবেন? তোমরা চট করে বলতে পারবে। কাউকে জিজ্ঞাস করো, এ তো বলো যে, গুরু নানক কবে আসবেন? তখন বলবে, তাঁর আত্মা জ্যোতি, জ্যোতিতে মিলিয়ে গেছে। আবার কিভাবে আসবে? তোমরা বলবে, আজ থেকে ৪৫০০ বছর পরে গুরু নানক আবার আসবেন। তোমাদের বুদ্ধিতে সম্পূর্ণ বিশ্বের হিস্টি - জিওগ্রাফি চক্র লাগাতে থাকে। বুদ্ধ - থাইস্ট আদি সকলের জন্য বলবে যে, এই সময় এরা সকলেই তমোপ্রধান, কবরে শায়িত। একেই শেষ সময় বলা হয়। সব মনুষ্য মাত্র যেন মৃত পড়ে আছে। সকলের জ্যোতি যেন নিভন্ত। বাবা আসেনই সবাইকে জাগ্রত করতে। বাচ্চারা, যারা কাম চিতাতে বসে ভস্ম হয়ে গেছে, তাদের অমৃত বর্ষণের দ্বারা জাগ্রত করে সাথে করে নিয়ে যাবেন। মায়া কাম চিতাতে বসিয়ে কবরে শায়িত করে দিয়েছে। সবাই ঘুমিয়ে পড়েছে। বাবা এখন অমৃত পান করান। এই কারণেই অমৃতসর নাম রাখা হয়েছে। বাবা এসে অমৃত পান করান। এখন কোথায় জ্ঞান অমৃত আর কোথায় সাধারণ জল। শিখদের বড় বা বিশেষ দিন হলে তখন খুব ধুমধাম করে পুকুর পরিস্কার করে, মাটি কাটে, তাই নামই রাখা হয়েছে - অমৃতসর। অমৃতের পুকুর। এখন গুরু নানক সাহেব তো কোনো জ্ঞানের সাগর নন, তিনিও বাবারই মহিমা করেছেন। তিনি নিজেই বলেন - এক ওঙ্কার, সৎনাম, তিনি সর্বদা সত্যই বলেন। সত্যনারায়ণের কথা আছে তো, তাই না। সাওদাগররা বাইরে বাণিজ্যে গেলে সত্যনারায়ণের কথা করায়। তারা মনে করে সত্যনারায়ণের কথা করলে তারা সুরক্ষার সঙ্গে সমুদ্র পার হয়ে যাবে। অমরকথা, তিজরীর কথা, মানুষ ভক্তিমার্গে কতো কথা শুনে এসেছে। বলা হয়, শঙ্কর পার্বতীকে কথা শুনিয়েছিলেন। তিনি তো সূক্ষ্মবতনে থাকেন, ওখানে তিনি কোন্ কথা শোনাবেন? বাবা এইসব কথা বসে বুঝিয়ে বলেন। বাস্তবে আমি তোমাদের অমরকথা শুনিয়ে অমরলোকে নিয়ে যাই। বাকি সূক্ষ্মবতনে পার্বতী কি দোষ করেছে, যে এসে তাঁকে কথা শোনাবেন। তোমরা এখন বুঝতে পারো যে, আমরা নর থেকে নারায়ণ, আর নারী থেকে লক্ষ্মী হই। এ হলো অমরলোকে যাওয়ার জন্য প্রকৃত সত্যনারায়ণের কথা, তিজরীর কথা। তোমরা আত্মারা এখন জ্ঞানের তৃতীয় নয়ন পেয়েছো।

বাবা বোঝান যে, তোমরাই ফুলের মতো পূজ্য ছিলে, এরপর ৮৪ জন্মের পরে তোমরাই পূজারী হয়েছো, তাই মহিমা রয়েছে... তোমরাই পূজ্য আবার তোমরাই পূজারী। বাবা বলেন - আমি তো সর্বদাই পূজ্য। আমি এসে তোমাদের পূজারী থেকে পূজ্য বানাই। বলা হয়, হে রাম, তুমি এসে আমাদের পবিত্র বানাও। সব ভক্তরা ডাকতে থাকে। আত্মাই তো ডাকে - হে পতিত পাবন। তোমরা এখন বুঝতে পারো যে, গীতা কোনো কৃষ্ণ শোনাননি, পবিত্র করেন একমাত্র পরমপিতা পরমাত্মা। একই রাম। বাবা তাই বলেন, তোমরা তাদের উপদেশ নিতে থাকো, যারা বলে যে, ঈশ্বর সর্বব্যাপী। গীতার ভগবান শিব, নাকি কৃষ্ণ? প্রথমে তো জিজ্ঞাসা করো যে, ভগবান কাকে বলা হয়, নিরাকারকে নাকি সাকারকে? কৃষ্ণ তো হলেন সাকার, আর শিব হলেন নিরাকার। তিনি কেবল এই শরীরের ধার নেন। মায়ের গর্ভ থেকে জন্ম নেন না। প্রথম নম্বর গর্ভে আসবে কৃষ্ণের আত্মা। ব্রহ্মা, বিষ্ণু, শঙ্করও সূক্ষ্ম শরীরধারী। শিবের কোনো শরীর নেই। এখানে, এই লোকে হলো স্থূল শরীর। বাবার মহিমা হলো পতিত পাবন, সর্বের সদগতিদাতা। সকলের উদ্ধারকর্তা, দুঃখহর্তা, সুখকর্তা। ভালো সুখ কোথায় থাকতে পারে? তোমরা সুখ পাবে পরের জন্মে, যখন রাবণের দুনিয়া শেষ হয়ে স্বর্গের স্থাপন হয়ে যাবে। আত্মা, কিসের থেকে তিনি উদ্ধার করেন? রাবণের দুঃখ থেকে। এ তো দুঃখধাম, তাই না। বাবা আবার গাইডও হন। এই শরীর তো এখানেই শেষ হয়ে যায়। বাকি, তিনি আত্মাদের নিয়ে যান। সবাইকে দুঃখ থেকে মুক্ত করে,

পবিত্র করে ঘরে ফিরিয়ে নিয়ে যান। মানুষ যখন বিয়ে করে আসে, তখন প্রথমে থাকে পতি, তারপর পত্নী। তার পিছনে বরযাত্রী থাকে। এখন তোমাদের মালাও এরকম। উপরে থাকে শিববাবা ফুল, প্রথমে ফুলকে নমস্কার করবে। তারপর যুগল দানা ব্রহ্মা - সরস্বতী, তারপর হলে তোমরা, যারা বাবার সাহায্যকারী বাম্বা। ফুল শিববাবার স্মরণেই সূর্যবংশী বিষ্ণুর মালা তৈরী হয়েছে। ব্রহ্মা - সরস্বতীই লক্ষ্মী - নারায়ণ হয়। দেবতা, ক্ষত্রিয়... তারপর শূদ্র থেকে ব্রাহ্মণ হয়ে এই জ্ঞান ধারণ করে লক্ষ্মী - নারায়ণ তৈরী হয়। এই মালা তাদেরই তৈরী হয়েছে। এই ব্রহ্মা - সরস্বতীই রাজা - রানী হবেন। তাঁরা পরিশ্রম করেছিলেন, তাই তাঁরা পূজনীয়। কেউ জানেই না যে, মালা কি জিনিস। এমনই তারা মালা জপতে থাকে। ১৬ হাজার ১০৮ এরও মালা হয়। বড় - বড় মন্দিরে সেই মালা রাখা হয়। তখন এক একজন এক - এক দিক থেকে সেই মালা টানতে থাকবে। বাবা বস্মেতে লক্ষ্মী - নারায়ণের মন্দিরে যেতেন। সেখানে গিয়ে মালায় রাম - রাম জপ করতেন। ফুল তো শিববাবা, তাই না। ফুলকেই রাম - রাম বলে তারপর সম্পূর্ণ মালা মাথায় ঠেকায়। জ্ঞান তো কিছুই নেই। পাদ্রীরাও হাতে করে মালা জপ করে। জিঙেস করো, কার নামে মালা জপ করছে? তখন বলবে, থাইস্টের স্মরণে মালা জপ করছি। তাঁদের থেকে বড় পোপ, পাদ্রী হয়, তখন আবার পোপের মালা তৈরী হবে। তাঁদের সকলের চিত্র আছে। পোপের কতো সম্মান। তাঁরা নিজেরাই জানে না যে, থাইস্টের আত্মা কোথায় আছে! তোমরা জানো যে, থাইস্টের আত্মা এখন বেগার রূপে আছে। তোমরাও এখন বেগার থেকে প্রিন্স তৈরী হচ্ছে। ভারতেই প্রিন্স ছিলো, এখন সবাই বেগার, আবার প্রিন্স তৈরী হবে। এই প্রিন্স তৈরী করেন এক আধ্যাত্মিক পিতা তোমরাই বেগার থেকে প্রিন্স তৈরী হও। এই প্রিন্স - প্রিন্সেসের কলেজও আছে, যেখানে গিয়ে তারা পড়াশোনা করে। তোমরা এখানে পড়ে ২১ জন্মের জন্য স্বর্গের প্রিন্স প্রিন্সেস তৈরী হও। এই জ্ঞানের দ্বারা তোমরা মনুষ্য থেকে দেবতা তৈরী হও।

তোমরা এখন বুঝতে পারো, যে শ্রীকৃষ্ণ সত্যযুগের প্রিন্স ছিলেন, তিনিই ৮৪ জন্ম পরে বেগার হয়েছিলেন। পাঁচ হাজার বছর পূর্বে দেবী - দেবতার কতো বিত্তবান ছিলেন। তাঁরাই এখন কাঙ্গাল, বেগার হয়ে গেছেন। এই কথা এখন তোমরাই শুনতে পারো। ভগবান উবাচঃ - তিনি সকলের ফাদার। তোমরা গড ফাদারের কাছ থেকে শোনো। গীতাতে এই ভুল করে দিয়েছে যে, শিব ভগবান উবাচের পরিবর্তে কৃষ্ণ ভগবান উবাচঃ নাম দিয়ে দিয়েছে, তাই গায়ন হয় যে, মিথ্যা এই দুনিয়া। এই সময় সম্পূর্ণ দুনিয়া কাঁটার জঙ্গল হয়ে গেছে। বস্মেতে বাবুলনাথের মন্দির আছে। বাবা এসে তোমাদের এই কাঁটা থেকে ফুলে পরিণত করেন। সবাই একে অপরকে কাঁটা লাগায় অর্থাৎ কাম কাটারি চালায়, তাই একে কাঁটার জঙ্গল বলা হয়। সত্যযুগকে আল্লাহর বাগিচা বলা হয়। সেই ফুলই কাঁটা হয়ে যায়, আবার কাঁটা থেকে ফুল তৈরী হয়। সত্যযুগে কখনো রাবণকে জ্বালানো হয় না। রাবণ হলো ভারতের পুরানো শত্রু। তোমাদের লড়াই হলো রাবণের সঙ্গে, যে তোমাদের অর্ধেক কল্প দুঃখ দিয়েছে। অবশেষে বড় লড়াইও হবে। প্রকৃত দশহরাও হতে হবে। এই রাবণ রাজ্য শেষ হয়ে যাবে, তোমরা আবার সোনার মহল পেয়ে যাবে। এখন তোমরা রাবণকে জয় করে স্বর্গের মালিক হও। বাবা সারা বিশ্বের রাজ্য ভাগ্য প্রদান করেন, তাই তাঁকে শিব ভোলা ভাণ্ডারী বলা হয়। গণিকা, অহল্যা, কুন্ডা, বাবা সবাইকে বিশ্বের মালিক বানান। তিনি কতো ভোলা। তিনি আসেনও পতিত দুনিয়ায়, পতিত শরীরে। বাকি যারা স্বর্গের উপযুক্ত নয়, তারা বিকার ত্যাগ করতে পারে না। বাবা বলেন - বাম্বারা, তোমরা এই অন্তিম জন্মে পবিত্র হও। এই বিকার হলো বিষ, যা তোমাদের আদি, মধ্য এবং অন্ত দুঃখী বানায়। তোমরা কি এই অন্তিম জন্ম একে ত্যাগ করতে পারো না? আমি তোমাদের অমৃত পান করিয়ে অমর বানাই। তবুও তোমরা পবিত্র হও না। বিকার ছাড়া, সিগারেট ছাড়া, মদ ছাড়া তোমরা থাকতে পারো না। আমি অসীম জগতের পিতা তোমাদের বলছি - তোমরা এই এক জন্ম পবিত্র হও, তাহলে আমি তোমাদের স্বর্গের মালিক বানাবো।

তোমরা জানো যে, বাবা এসেছেন সম্পূর্ণ দুনিয়াকে দুঃখ থেকে উদ্ধার করে সুখধাম আর শান্তিধামে নিয়ে যেতে । এখন সব ধর্মের বিনাশ হয়ে যাবে । এক আদি সনাতন দেবী দেবতা ধর্মের স্থাপনা হয় । গ্রন্থ সাহেবেও পরমপিতা পরমাত্মাকে অকালমূর্তি বলা হয় । বাবা হলেন মহাকাল । ওই কাল তো একজন - দু'জনকে নিয়ে যাবে, আমি তো সব আত্মাদের নিয়ে যাবো । তাই আমাকে মহাকাল বলা হয় । আচ্ছা ।

মিষ্টি - মিষ্টি হারানিধি বাচ্চাদের প্রতি মাতাপিতা, বাপদাদার স্মরণের স্নেহ-সুমন আর সুপ্রভাত ।
আত্মাদের পিতা তাঁর আত্মারূপী বাচ্চাদেরকে জানাচ্ছেন নমস্কার ।

ধারণার জন্যে মুখ্য সারঃ:-

১) এই অন্তিম জন্মে জ্ঞান অমৃত পান করে অমর হতে হবে । নিজেকে স্বর্গে যাওয়ার উপযুক্ত করতে হবে । মন্দ অভ্যাসকে ত্যাগ করতে হবে ।

২) এখন এই ঈশ্বরীয় পড়া পড়ে ২১ জন্মের জন্য স্বর্গের প্রিঙ্ক - প্রিঙ্কস হতে হবে । প্রকৃত সত্যনারায়ণের কথা শুনে নর থেকে নারায়ণ হওয়ার পুরুষার্থ করতে হবে ।

বরদানঃ:- অল্প কথায় জ্ঞানের সর্ব রহস্যকে স্পষ্ট করে যথার্থ ও শক্তিশালী ভব
যে কোনো জিনিস যত অধিক শক্তিশালী হয়, ততই তার কোয়ান্টিটি কম হয় । তেমনই তোমরা যখন তোমাদের নির্বাণ স্থিতিতে স্থির হয়ে বাণীতে আসবে, তখন শব্দ কম কিন্তু যথার্থ এবং শক্তিশালী হবে । এক শব্দে হাজার শব্দের রহস্য নিহিত থাকবে, যার কারণে ব্যর্থ বাণী অটোমেটিক সমাপ্ত হয়ে যাবে । একটি শব্দের সাহায্যেই জ্ঞানের সর্ব রহস্যকে স্পষ্ট করতে পারবে, বিস্তার সমাপ্ত হয়ে যাবে ।

স্লোগানঃ:- হৃদয় থেকে 'বাবা' বলা অর্থাৎ খুশী এবং শক্তি প্রাপ্তি করা ।

অব্যক্ত ইশারা :- এখন নিজের দাতা স্বরূপকে প্রত্যক্ষ করো

দাতার সন্তান সকলকে দেওয়ার ভাবনায় ভরপুর হও । কখনোই এমন সঞ্চলন করো না যে, এমন হলে তবেই আমি এমন করবো । এমন পরিস্থিতি হলে, বায়ুমণ্ডল হলে তবেই আমি এটা করবো । দাতার সংস্কার সম্পন্নদের সব তরফ থেকে সহযোগ স্বতঃই প্রাপ্ত হয় । তাই মাস্টার দাতা অন্যের থেকে নেওয়ার ভাবনা রাখতে পারে না ।